

Chrampferwuche

06. -11. Juni

Das isch e ganz normali Arbeitswuche mit Ereignis xsi! Afangs Wuche hend mir Säiet, G'sprayt, G' Harrowet (Grechet), Stone Picket, eifach ganz normal. Aber de Fritig...

Am Fritig hend mir am 6.00 gstartet mit chrampfe. De Dani hets am morgue scho gspürt das es ken guete Tag git. Als erschts isch a sim Sprayer d Stäge nüme gange zum versorge, und e halbstund spöter isch de Boom (de Spraymaschte) brochä und abgheit! Ja die befeschtigungsmethode isch nöd alltäglich aber nöd di dümmsti! De Dani het sin eigete Hosegurt brucht zum de Boom ufe binde! Denn isch er zrug in Shop das wieder go schweisse!



Am obig het de Dani au sin Sprayer no gwäsche ohni rücksicht uf verluscht (Foto am Schluss)! Am 22.00 sind mir rasch in Z'nacht gange, und gad chli spöter sind mir in Shop go chrampfe, da de einti Traktor im Feld kaputt gange isch, und mir de unbedingt brucht hend. Da schaffet mer halt gern mal dure bis am morgue am 02.00! aber denn isch endlich Schluss gsi. Das sind denn sehr langi, aber au sehr interressanti Täg.

De ander Morgue isches au schlag uf schlag witer gange! Mir hend chli spöter agfange als normal, ca. am 09.00. Säie! De aller letschti Tag! Da het au de Ueli und de Dani mol dörfe go säie go! Das isch ganz e intressanti arbet!


E ganz normali Arbeitswuche mit Ereignis halt!



Projektwoche

13. -16. Juni

Da's do ja wieder eimol meh rägnet sind mir wieder im Shop am Mechä. Di alt/neui Projektarbet besteht us emene alte Heavy Harrow en neue Sprayer z mache. Mir hend z tue mit de Luftsagi/Zweischluchabzieher (Schweissbrenner), Schweissalage, Eisesagi, usw.... Mir tüend en huufe mässe, konstruiere, fertige, apasse, montiere!



En huufe z'tue!

IRE Trainee Weekend

16. -19. Juni

Sit em Dunnstig Morge hend mir en neue Mitbewohner. Er isch de Elias Dommen us em Kt. Lozärn! Da er echli problem mit em Visum gha het isch er erscht jetzt zu üs gstosse!

Chum da scho wieder furt as Weekend! Das isch es organisierts Wuchenend vo dem Ustuschprogram, mit dem wo mir alli greist sind! I dem Weekend sind mir uf Regina a die Farm Progress Show (b eus wie d AGRAMA) gange! Natürlich hets en huufe z luege und z lose geh! Aber au gredet hend mir ganz viel mit de andere Schwizer. Selbst verständlich het au de Usgang nöd gfehlt! Da in Canada isch de Usgang ganz e gstudierti sach! Gstudiert hend mir nämlich BIERologie und HEKTOLiteratur! Aber au de Sport het nöd gfehlt: MiniGolf! Ja so isches halt do in Canada!

Montag

20. Juni

Wiedermol es neuis Erläbnis! Hüt sind de Ueli und de Dani s erschte mol bimene Canadische Coifeuer xsi. Isch aber nöd anderscht wede dihei! Am Mäntig isch amol Huusfraue Tag mit putze, usw.... Da müend mir doch glatt en neue Duschvorhang iwäihe! Was für en schöne!

Newsletter Canada



Das Wochenende wer denn auf der Grund für das sporadische Schicke vom Newsletter! Es sind nämlich es paar Tage drüberus!

S TEAM CANADA GRÜESST

Erscheinungstermine: Sporadisch (ca alle 2 Wochen)

Ueli und Daniel